



Šemsudin Mehmedović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 01- /26
Sarajevo: 8. 4. 2026. godine

PRIMLJENO: 08-04-2026			
Organizaciona jedinica	Klasifikaciona oznaka	Redni broj	Broj priloga
01-	10-1-	1026/26	

**PREDSTAVNIČKI DOM
PARLAMENTARNE SKUPŠTINE BOSNE I HERCEGOVINE**

n/r predsjedavajućeg

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23, 50/24 i 56/25) postavljam

**ZASTUPNIČKO PITANJE ZA
VIJEĆE AGENCIJE ZA PRUŽANJE USLUGA U ZRAČNOJ PLOVIDBI
BOSNE I HERCEGOVINE**

Zbog čega Vijeće Agencije za pružanje usluga u zračnoj plovidbi Bosne i Hercegovine, protivno članu 16. stav (1) Zakona o BHANSA-i, nije raspisalo javni konkurs za imenovanje direktora BHANSA-e, iako je direktoru Davorinu Primorcu mandat istekao 25. marta 2026. godine i konkurs je morao biti raspisan najkasnije u januaru 2026. godine?

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti u **roku od 30 dana** od dana kada je pitanje dostavljeno onome kome je upućeno. Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona).

Obrazloženje

Članom 16. stav (1) Zakona o Agenciji za pružanje usluga u zračnoj plovidbi Bosne i Hercegovine utvrđeno je da članove Uprave, na osnovu javnog konkursa, i na prijedlog Vijeća Agencije, imenuje Vijeće ministara. Javni konkurs provodi se u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine.

Davorinu Primorcu, direktoru BHANSA-e, drugi mandat je istekao 25. 3. 2026. godine i do danas nije raspisan konkurs za imenovanje direktora. Naglašavam da je Davorin Primorac na poziciji direktora BHANSA-e već 11 godina.

Sanja Škuletić-Malagić, predsjedavajuća BHANSA-e, je na javnom saslušanju rukovodstava BHANSA-e pred Komisijom za saobraćaj i komunikacije Predstavničkog doma Parlamentarne skupštine Bosne i Hercegovine, koje je održano 11. 2. 2026. godine, istakla da je Vijeće Agencije informiralo Vijeće ministara BiH o isteku mandata Davorina Primorca. Vijeće BHANSA-e je bila obavezno da u skladu sa Zakonom o BHANSA-i najkasnije u januaru 2026. godine raspiše konkurs, međutim do danas konkurs nije raspisan.

Predsjedavajuća BHANSA-e je dužna upoznati javnost i Parlamentarnu skupštinu Bosne i Hercegovine, kao osnivača BHANSA-e, zbog čega do danas nije raspisan konkurs,.

Siptomatično je da je Sanja Škuletić-Malagić, šefica kabineta ministra Edina Forte, ministra koji je predložio da se izmjenama Zakona o BHANSA-i omogući Davorinu Primorcu da na poziciji direktora ostane neograničen broj mandata.

Na 16. sjednici Predstavničkog doma Parlamentarne skupštine Bosne i Hercegovine, održanoj 28. 2. 2024. godine, nije podržan navedeni zakon.

S poštovanjem,

ZASTUPNIK PS BiH
Šemsudin Mehmedović

